



Rrjeti i Grave të Kosovës

Mbështet, mbron dhe promovon të drejtat dhe interesat e grave dhe vajzave në Kosovë

Drejt një Buxheti më të përgjegjshëm gjinor të Kosovës 2026

29 Gusht 2025

I nderuar Kryetar i Këshillit Prokurorial të Kosovës, z.Ardian Hajdaraj:

Po ju shkruaj në emër të Rrjetit të Grave të Kosovës (RrGK), për të kërkuar që të shqyrtohen me prioritet kërkesat buxhetore për Këshillit Prokurorial për vitin 2026.

Siç mund të jeni të informuar, buxheti i përgjegjshëm gjinor (BPGJ) synon të sigurojë që fondet të planifikohen dhe të shpenzohen për të adresuar nevojat e ndryshme të grave, burrave, djemve dhe vajzave të identifikuar përmes analizës gjinore. Sipas Ligjit të Kosovës [Nr. 05/L-020 për Barazinë Gjinore](#), BPGJ është i detyrueshëm për të gjitha institucionet publike. Mospërmblidhja e këtij obligimi, siç përcaktohet nga ky Ligj, përbën një shkelje ligjore dhe është e dënueshme me sanksione. Për më tepër, Qeveria ka interes në zbatimin e buxhetimit gjinor në kuadër të [përkushtimeve të saj ndaj Objektivave të Zhvillimit të Qëndrueshëm të Kombeve të Bashkuara \(OZHQ\)](#), konkretisht [OZHQ 5, treguesi 5.c.1; Korniza Suplementare e Shpenzimeve Publike dhe Përgjegjësi Financiare për vlerësimin e menaxhimit](#) financiar publik të përgjegjshëm gjinor ([PEFA GRPFM](#)) dhe, më e rëndësishmja, si një praktikë e mirë në menaxhimin financiar. Zbatimi i BPGJ-së mund të kontribuojë në një shpenzim më efektiv, të përgjegjshëm dhe transparent të burimeve qeveritare, përfshirë edhe drejt arritjes së barazisë gjinore. Prandaj, Ministria e Financave, Punës dhe Transfereve, përmes [qarkores buxhetore](#), ka kërkuar që të gjitha organizatat buxhetore të përfshijnë një shtojcë në kërkesat e tyre për ndarjen buxhetore duke shpjeguar se si buxheti i tyre për vitin 2026 siguron BPGJ-në.

Qeveria të përfshijë zyrtarët për barazi gjinore nga entitetet qeveritare dhe organizatat e shoqërisë civile në konsultimet publike që lidhen me buxhetin, siç kërkohet nga [Rregulloria \(QRK\) Nr. 12/2016 për Detyrat dhe Përgjegjësitë e Zyrtarëve Përkates për Barazi Gjinore Në Ministri dhe Komuna](#) si dhe [Rregulloria \(QRK\) - Nr. 17/2024 e Punës së Qeverisë së Republikës së Kosovës](#). Për të mbështetur Qeverinë në zbatimin e përgjegjësi të saj, Rrjeti i Grave të Kosovës (RrGK), një rrjet prej 102 organizatash të ndryshme për të drejtat e grave, ka përgatitur këtë letër me rekomandime për përmirësimin e BPGJ-së në lidhje me Ligjin për Ndarjet Buxhetore për vitin 2026. Rekomandimet tona bazohen në hulumtimin e RrGK-së dhe evidencën mbi nevojat:

- Rritni buxhetin për Zyrën për Mbrojtje dhe Asistencë të Viktimave në përputhje me nevojat e saj dhe kërkesën buxhetore të bazuar në dëshmi, në mënyrë që të mund të përmbushë përgjegjësitë e saj. Siguroni që buxheti për burimet njerëzore të Avokatëve të Viktimave të mbulojë stafin e mjaftueshëm, kompensimin e drejtë dhe trajnimin e nevojshëm për të mbështetur në mënyrë efektive viktimat dhe për të promovuar barazinë gjinore. Aktualisht, nuk ka mjaftueshëm Avokatë të Viktimave për të përmbushur përgjegjësitë e tyre në mbrojtjen e të mbijetuarve të dhunës me bazë gjinore.
- Alokoni buxhet për digjitalizimin dhe përmirësimin e sistemit të menaxhimit të rasteve të Avokatëve të Viktimave, përfshirë mundësimin e përdorimit të tabletëve gjatë asistimit të rasteve.
- Alokoni buxhet dhe zbatoni trajnime të detyrueshme për prokurorët mbi krimin kibernetik me bazë gjinore, dhunën kibernetike dhe ngacmimin online, si dhe mbi forensikën digjitale.
- Alokoni buxhet për të siguruar që sistemi i menaxhimit të informacionit për rastet të mbledhë të dhëna të ndara sipas gjinisë, duke mundësuar analiza sipas gjinisë dhe moshës, etnisë, vendbanimit rural/urban dhe treguesve të tjerë socio-ekonomikë e demografikë. Mundësoni kërkimin në të dhënat e digjitalizuara sipas fjalëve kyçe, përfshirë termat që lidhen me gjininë dhe seksin.

Gjithashtu, ne ju inkurajojmë fuqishëm që të publikoni shtojcën e Buxhetit 2026 të Këshillit Prokurorial, të kërkuar nga Ministria e Financave, Punës dhe Transfereve, në përputhje me OZHQ 5.c.1., duke shpjeguar në mënyrë transparente se si buxheti juaj për vitin 2026 do të kontribuojë në avancimin e barazisë gjinore dhe shpenzimet përkatëse të parashikuara.

Sinqerisht,
Igballe Rogova
Drejtoresh Ekzekutive
Rrjeti i Grave të Kosovës.